

澹

軒

集



澹軒集

四庫全書珍本初集
集部
別集類

詳校官庶吉士臣翁樹培

主事臣呂雲棟覆勘

膳錄貢生臣章松雲

膳錄貢生臣王穀

欽定四庫全書

集部四

提要

澹軒集八卷

別集類三

宋

臣等謹案澹軒集八卷宋李呂撰呂字演老

一字東老邵武軍光澤人其行事不見于史

傳惟周必大平園續稿第三十五卷内有所

作呂墓誌一篇稱其端莊自重記誦過人年

四十即棄科舉至七十七而卒又稱其學務

躬行深惡口耳之習讀易六十四卦皆為義說尤留意資治通鑑論著數百篇益亦恬退力學之士矣朱子嘗為其父作墓誌今集中尚有上晦庵干墓誌又呂立社倉朱子為記歎其負經事綜物之才老而不遇呂歿後其子文子以集求序朱子語人曰李文之文可謂有補于世教未及為序而疾革見于文子所作跋語中今觀其詩文雖多近樸直少波

濶迴復之趣不能成家然明白坦易往往有
關於勸戒不失為儒者之言朱子所稱實出
公論不盡以其子文子游於門下之故也焦
竑國史經籍志載澹軒集十五卷與周必大
墓誌相符世無傳本惟散見於永樂大典中謹
採掇裒綴釐為詩三卷詩餘一卷雜文四卷
周必大墓誌一首亦附之卷末以備考核焉
乾隆四十六年九月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

澹軒集卷一

宋 李吕 撰

五言古詩

題君山愛松軒

青青窓外松高下如羽蓋不論霜雪晨屹立風雨外深
根養茯苓千歲坐可待世情苦炎涼一日幾變態此物
獨堅貞雅志在久耐清聲萬壑傳時奏莊生籟

陪晦翁遊玉澗

金焦口占
卷一
夜琴響空山臨流水方折老仙何處來欣賞共清絕不
知盧全家還有許風月

抱膝庵

青山不世情終日獨我顧修竹歲寒姿不受纖塵污開
窓寄數椽良以二者故出門欲求益槩埴未識路屠酤
難與語餘子安足數豈無王侯家搖尾覲一遇自分踈
懶性初非俳優具由來勢利交朝且不保暮何如翳環
堵靜對古人語從渠不我與聊復吟梁甫

送高丞別

名衡夫
字平叔

君侯七閩英學問，早有餘年時。猶未冠鼓篋，游上都。文
成筆五色，四海仰名譽。調丞尉江邑，有實不願圖。謁來
對二松，清襟映冰壺。粹然眉睫間，未變庠序儒。胸中浩
然氣，固已雄萬夫。我窮卧洲渚，江鷗以為徒。屢枉高軒
過，義冠講唐虞。馳騁文史樂，時得陪卷舒。瓜代遽及期，
此情將焉如。恥作兒女態，揮洒沾衣裾。虎溪豈限我足，
創方趑趄。起悵望不遠，送搔首空躊躇。所覲善行李，早達

三山隅安居未容久快作朝省趨用賢世所急君才應
時需願補仲山袞再矢皋陶謨勿以得失慮行當翺天
衢愧乏折筮贈短篇見區區他時舊交念闊闢寄樵漁
乙巳四月比屋多疹痘瘡痢間作五月盡猶未
已病者延綿在寢治療不獲其法往往失生理
殊可憫痛乃作民病書事一首以紀之

去年秋冬交白晝雷虺虺隆冬忽暄燠青紅開百卉雨
澤不時下快雪傾復霽井泉傍射鮒澗水通一遂春風

二月前行人汗流背脩來夏初中遽變素商氣稻穀已
三布時過未鍼水複衣日猶寒重衾夜增被變理失其
節老弱生疵癘疹痘無間然否則得痲痢十室聞九病
顏色非人類明晨溫風屆風候尚云爾祗愁淫雨歇炎
威火爭熾爍石更流金暴烈摧萬彙皇天本至仁長懷
好生意恢網疎不漏蓋高卑聽視夫誰執其柄悖謬乃
倒置感召厥有由下民亦何罪我欲借扶搖剖心叩玉
陛九關羣虎守未許凡骨詣願天回光鑒肅正天之紀

甲庚先後三寒暑無驟至春榮不妄施秋斂仍合義四
序蔑侵陵功成順常理三垣拱帝座百辟森列位星辰
各授職鈞播豈私遺巽風司號令罔或輕行止雷霆秉
鈇鉞殲殛必姦宄膏潤到焦枯陽和不擇地幅員幾萬
里一一防壅蔽日月黃道明泰階平如砥豐穰被率土
壽域包遐邇閭閻禮遜興鼠偷自不起吾皇免焦勞隣
敵望風靡聖世作幸民請從今日始

和許尉仙田舍野老有可憐之態壁間之什

乞糴民宵征出糴官夙駕艱食間填壑災星未退舍七
閏况多山厥田惟中下年登穀粟賤逐末貪白話一逢
歲不稔大半為饑者公私久匱乏誰歟可資藉哀哉南
畝農長年服耕稼傾困了租賦僅逃吏胥罵東作已無
糧貪賒寧論價負逋罄產償求售忘早夜逡巡生計盡
失所安足訝尉仙明達人出語補風化咄彼蕪并家斂
社當愧謝

喜入杉嶺

此行實附米綱船欲到南康謁晦庵
朱先生為先人求墓文未至而反故

云然

行盡山嶺頭歡喜入鄉關憶昨冒雨去寒澁亦多端自
登糧網船出入狗竇寬水漲泊無岸水落淺湊灘直待風
水順搖艣離江灣虺蜴微細物託龍逞神姦篙工精禱
罷頃刻過千山脫或小不契風波生坐間竄身輒拘滯
伍噲仍比頑疑慮狐涉水進退羊觸藩僅得黃羲叟可
與話歲寒論文消永日長歌當夜闌傳聞白水發川途
阻瀾漫余益動歸心掉首辭鸞跼悵懷陶靖節不肯效